


北京圖書館古籍珍本叢刊

北京圖書館古籍珍本叢刊



1

書目文獻出版社

北京圖書館古籍珍本叢刊 1

經部 周易集解·尚書考異·尚書

譜·三禮考注·孟子節文

編者 北京圖書館古籍出版編輯組
出版 書目文獻出版社

(北京文津街七號)

印刷 秦皇島市資料印刷廠
定價 壹佰壹拾圓

ISBN 7-5013-0545-5/Z·10

新學
解
和
PDG

出版說明

我館以珍藏豐富的中國古籍聞名於世。近些年來國內外學術界對中國古代歷史文化的興趣愈益濃厚，對中國古籍的研究與需求也隨之增進。爲了發展學術事業，我館計劃在未來十多年內系統地將館藏珍本古籍陸續選編影印出版，供學術界研究利用。影印這些古籍，不僅方便讀者，也有益於我館對原書的保管。

現在提供給讀者的這部《北京圖書館古籍珍本叢刊》只是實現上述計劃的開端。本叢刊共收古籍四百七十三種，近八千卷，約二十萬葉，分裝一百二十冊。所收古籍有宋金元明清各代的刻本，元明清二代的抄本稿本。選書原則重在實用。全書承昔年張元濟先生輯印《四部叢刊》之餘緒，分經、史、子、集四部，但無一書與《四部叢刊》初、二、三編重出，故而本叢刊可視爲《四部叢刊》之再續。各書分類及版本著錄，均據本館新編《北京圖書館古籍善本書目》（書目文獻出版社一九八七年出版）。全書擬目前已印發，正式的目錄和提要將在全書出齊時作爲附卷印出。

歡迎國內外學術界人士對我們的古籍選編影印工作提出寶貴意見。

北京圖書館古籍出版編輯組

一九八八年二月

目錄

周易集解十七卷略例注一卷	一
尚書考異	三三一
尚書譜五卷	四〇五
三禮考注六十四卷序錄一卷綱領一卷	四七一
孟子節文七卷	九五五

周易集解序

敘曰元氣氤氲三才成象神功浹洽八素成形在天則日月運行潤之以風雨在地則山澤通氣鼓之以雷霆至若近取諸身四支百體合其度遠取諸物森羅萬象備其工陰陽不測之謂神一陰一陽之謂道範圍天地而不過曲成萬物而不遺仁者見之以爲仁智者見之以爲智百姓日用而不知君子之道

聚衆堂

周易集解序

一

乃

而藏諸用神無方而易無體巍巍蕩蕩難可焉逮乎天尊地卑君臣位列五運相繼父子彰震異索而男女分咸恒設而夫婦睦人倫義既闡家國之教鬱興故繫辭云古者庖犧王天下也始畫八卦以通神明之德以類萬物之情作結繩而爲罔罟以佃以漁蓋取諸離庖犧氏歿神農氏作斲木爲耜採木爲耒耨之利以教天下蓋取諸益日中爲市致天下之人

聚天下之貨交易而退蓋取諸噬嗑神農氏歿黃帝堯舜氏作通其變使人不倦神其化使人宐之剡木爲舟剡木爲楫舟楫之利以濟不通蓋取諸渙服牛乘馬引重致遠蓋取諸隨古者穴居而野處後代聖人易之以宮室蓋取諸壯弦木爲弧剡木爲矢弧矢之利以威天下取諸睽上古結繩爲政後代易之書契百官理萬人以察蓋取諸夬故聖人見天下之賾

北魏

周易集解序

二

擬諸形容象其物宐而觀其會通以行其典觸類而長之六十四卦三百八十四爻天下能事畢矣其旨遠其辭文其言曲而中其事肆而隱若夫雜物揆德辯是與非終日乾乾夕惕若厲無有師保如臨父母自天祐之吉無不利者也至於損以遠害說以先之定其交而後求安其身而後動履和而至謙尊而光能說諸心能廣諸慮是故君子居則觀其象而玩其辭動

則觀其變而玩其占著之德圓而神卦之德方以智探賾索隱鉤深致遠定天下之吉凶成天下之亹亹莫善乎著龜神以知來智以藏往將有爲也問之以言其受命也應之如響無有遠邇幽深遂知來物故能窮理盡性利用安身聖人以此洗心退藏於密自然虛室生白吉祥至止坐忘遺照精義入神口僻焉不能言心困焉不能知微妙玄通深不可識易有聖人之道四

焉斯之謂矣原夫權輿三教鈐鍵九流實開國承家脩身之正術也自卜商入室親授微言傳注百家縣歷千古雖競有穿鑿猶未測淵深唯王鄭相公頗行於代鄭則多參天象王乃全釋人事且易之爲道豈偏滯於天人者哉致使後學之徒紛然淆亂各脩局見莫辯源流天象遠而難尋人事近而易習則折揚黃華噓然而笑方以類聚其在茲乎臣少慕玄風遊心墳籍歷

觀炎漢迄今巨唐採羣賢之遺言議三聖之蹟集虞翻荀爽三十餘家刊輔嗣之野文補成之逸象各列名義共契玄宗先儒有所未誤然後輒加添削每至章句僉例發揮俾童蒙之流一覽而悟達觀之士得意忘言當仁既不讓於師論道豈慚於前哲至如卦爻象象理涉重玄經注文言書之不盡別撰索隱錯綜根萌義兩存詳之明矣其王氏略例得失相參采葑采菲無以下體仍附經末式廣未聞凡成一八卷以貽同好冀將來君子無所疑焉祕書著作郎臣李鼎祚序

易傳集解卷第一

資州李鼎祚

三三乾上乾元亨利貞

案說卦乾健也言天之體以健為用運行不息應化無窮故聖人則之欲使人法天之用不法天之體故名乾不名天也子夏傳曰元始也亨通也利和也貞正也言乾稟純陽之性故能首出庶物各得元始開通和諧貞固不失其宜是以君子法乾而行四德故曰乾元亨利貞矣

初九潛龍勿用

崔憬曰九者老陽之數動之所占故陽稱焉潛隱也龍下隱地潛德不彰是以君子韜光待時未成其行故曰勿用子夏傳曰龍所以象陽也○馬融曰物莫大於龍故借龍以喻天之陽氣也初九建子之月陽氣始動於黃

泉既未萌芽猶是潛伏故曰潛龍也

沈麟士曰稱龍者假象也天地之氣有升降君子之道有行藏龍之為物能飛能潛故借龍比君子之德也初九既尚潛伏故言勿用○干寶曰位始故稱初陽重故稱九陽在初九十一月之時自復來也初九甲子天正之位而乾元所始也陽處三泉之下聖德在愚俗之中此文王在羑里之爻也雖有聖明之

德未被時用故曰勿用矣

九二見龍在田利見大人

王弼曰出潛離隱故曰見龍處於地上故曰在田德施周普居中不偏雖非君位君之德也初則不彰三則乾乾四則或躍上則過亢利見大人唯二五焉○鄭玄曰二於三才為地道地上即田故稱田也○干寶曰陽在九二十二月之時自臨來也二為地上田在地

之表而有人功者也陽氣將施聖人將顯此文王免於羑里之日也故曰利見大人

九 君子終日乾乾夕惕若厲无咎

鄭玄曰三於三才爲人道有乾德而在入道君子之象○虞翻曰謂陽息至三二變成離、離爲日坤爲夕○荀爽曰日以喻君謂三居下體之終而爲之君承乾行乾故曰乾乾夕惕以喻臣謂三臣於五則疾脩柔順危去陽

象

象傳

一

行故曰无咎○干寶曰爻以氣表絲以興嫌其不關人事故著君子焉陽在九三正月之時自泰來也陽氣始出地上而接動物人爲靈故以人事成天地之功者在於此爻焉故君子以之憂深思遠朝夕匪懈仰憂嘉會之不序俯懼義和之不逮反復天道謀始反終故曰終日乾乾此蓋文王反國大釐其政之日也凡无咎者憂中之喜善補過者也文

恨早耀文明之德以蒙大難增脩柔順以懷多福故曰无咎矣

九四或躍在淵无咎

崔憬曰言君子進德脩業欲及於時猶龍自試躍天疑而處淵上下進退非邪離羣故无咎○干寶曰陽氣在四二月之時自大壯來也四虛中也躍者暫起之言既不安於地而未能飛於天也四以初爲應淵謂初九甲子

象

象傳

一

龍之所由升也或之者疑之也此武王舉兵孟津觀釁而退之爻也守柔順則逆天人之應通權道則違經常之教故聖人不得已而爲之故其辭疑矣

九五飛龍在天利見大人

鄭玄曰五於三才爲天道天者清明無形而龍在焉飛之象也○虞翻曰謂四已變則五體離離爲飛五在天故飛龍在天利見大人

也謂若庖犧觀象於天造作八卦備物致用以利天下故曰飛龍在天下之所利見也○千寶曰陽在九五三月之時自爻來也五在天位故曰龍飛此武王克紂正位之爻也聖功既就萬物既覩故曰利見大人矣上九元龍有悔

王肅曰窮高曰元知進忘退故悔也○千寶曰陽在上九四月之時也元過也乾體既備

上位既終天之鼓物寒暑相報聖人治世威德相濟武功既成在止戈盈而不反必陷於悔案以人事明之若桀放於南巢湯有慚德斯類是也

用九見羣龍无首吉

劉瓛曰總六爻純九之義故曰用九也

王弼曰九天之德也能用天德乃見羣龍之義焉夫以剛健而居人之首則物之所不與

也以柔順而為不正則佞邪之道也故乾吉在无首坤利在永貞矣

彖曰

劉瓛曰彖斷也斷一卦之才也

大哉乾元

九家易曰陽稱大六爻純陽故曰大乾者純陽象卦所生天之象也觀乾之始以知天德惟天為大惟乾則之故曰大哉元者氣之始

也

萬物資始

荀爽曰謂分為六十四卦萬一千五百二十冊皆受始於乾也冊取始於乾猶萬物之生稟於天

乃統天

九家易曰乾之為德乃統繼天道與天合化也

雲行雨施品物流形

虞翻曰已成既濟上坎爲雲下坎爲雨故雲行雨施乾以雲雨流坤之形萬物化成故曰品物流形也

大明終始

荀爽曰乾起坎而終於離坤起於離而終於坎離坎者乾坤之家而陰陽之府故曰大明終始也

六位時成

荀爽曰六爻隨時而成乾時乘六龍以御天也

侯果曰大明日也六位天地四時也六爻效彼而作也大明以晝夜爲終始六位以相竭爲時成言乾乘六氣而陶冶變化運四時而統御天也故曰時乘六龍以御天也故乾鑿度曰日月終始萬物是其義也

乾道變化各正性命保合大和乃利貞首出庶物萬國咸寧

劉瓛曰陽氣爲萬物之所始故曰首出庶物立君而天下皆寧故曰萬國咸寧也

象曰

案象者像也取其法象卦爻之德

天行健

何妥曰天體不健能行之德健也猶如地體

不順承弱之勢順也所以乾卦獨變名爲健者宋衷云晝夜不懈以健詳其名餘卦當名不假於詳矣

君子以自強不息

虞翻曰君子謂三乾健故強天一日一夜過周一度故自強不息老子曰自勝者強干寶曰言君子通之於賢也凡勉強以德不必須在位也故堯舜一日萬機文王日昃不

暇食仲尼終夜不寢顏子欲罷不能自此以下莫敢淫心捨力故曰自強不息矣

潛龍勿用陽在下也

荀爽曰氣微位卑雖有陽德潛藏在下故曰勿用也

見龍在田德施普也

荀爽曰見者見居其位田謂坤也二當升坤五故曰見龍在田大人謂天子是據尊位臨

長羣陰德施於下故曰德施普也

終日乾乾反復道也

虞翻曰至三體復故反復道謂否泰反其類也

或躍在淵進无咎也

荀爽曰乾者君卦四者陰位故上躍居五者欲下居坤初求陽之正地下稱淵也陽道樂進故曰進无咎也

飛龍在天大人造也

荀爽曰飛者喻無所拘天者首事造制大人造法見居天位聖人作而萬物覩是其義也元龍有悔盈不可久也

九家易曰陽當居五今乃居上故曰盈也元極失位當下之坤三故曰盈不可久若太上皇者也下之坤三屈為諸侯故曰悔者也用九見羣龍无首吉

宋衷曰用九六位皆九故曰見羣龍純陽則天德也萬物之始莫能先之不可為首先之者凶隨之者吉故曰无首吉

文言曰

劉瓛曰依文而言其理故曰文言○姚信曰乾坤為門戶文說乾坤六十二卦皆放焉元者善之長也

九家易曰乾者君卦也六爻皆當為君始而

大通君德會合故元為善之長也

亨者嘉之會也

九家易曰通者謂陽合而為乾眾善相繼故

曰嘉之會也

利者義之和也

荀爽曰陰陽相和各得其宜然後利矣

貞者事之幹也

荀爽曰陰陽正而位當則可以幹舉萬事

嘉會

八月

二

君子體仁足以長人

何妥曰此明聖人則天合五常也仁為木木

主春故配元為四德之首君子體仁故有長

人之義也

嘉會足以合禮

何妥曰禮是交接會通之道故以配通五禮

有吉凶賓軍嘉故以嘉合於禮也

利物足以和義

何妥曰利者裁成也君子體此利以利物足以合於五常之義

貞固足以幹事

何妥曰貞信也君子堅貞正可以委任於事

故論語曰敬事而信故幹事而配信也

案此釋非也夫在天成象者乾元亨利貞也

言天運四時以生成萬物在地成形者仁義

禮智信也言君法五常以教化於人元為善

嘉會

八月

三

長故能體仁仁主春生東方木也通為嘉會

足以合禮禮主夏養南方火也利為物宜足

以和義義主秋成西方金也貞為事幹以配

於智智主冬藏北方水也故孔子云仁者樂

山智者樂水則智之明證矣不言信者信主

土而統屬於君故中孚卦云信及豚魚是其

義也若首出庶物而四時不忒者乾之象也

厚德載物而五行相生者土之功也土居中

宮分王四季亦由人君無爲皇極而奄有天
下水火金木非土不載仁義禮智非君不弘
信既統屬於君故先言乾而後不言信明矣
君子行此四德者故曰乾元亨利貞

干寶曰夫純陽天之精氣四行君之懿德是
故乾冠卦首辭表篇目明道義之門在於此
矣猶春秋之備五始也故夫子留意焉然則
體仁正己所以化物觀運知時所以順天氣

用隨宜所以利民守正一業所以定俗也逾
亂則敗禮其教遙逆則拂時其功否錯則妨
用其事廢忘則失正其官敗四德者文王所
由興四愆者商紂所由亡

初九曰潛龍勿用何謂也

何妥曰夫子假設疑問也後五爻皆放此也
子曰龍德而隱者也

何妥曰此直荅言聖人有隱顯之龍德今居

初九窮下之地隱而不見故云勿用矣
不易乎世

崔憬曰言據當潛之時不易乎世而行者龍
之德也

不成乎名

鄭玄曰當隱之時以從世俗不自殊異無所
成名也

遁世无悶

崔憬曰道雖不行達理无悶也

不見是而无悶

崔憬曰世人雖不已是而已知不達道故无
悶

樂則行之憂則違之

虞翻曰陰出初震爲樂爲行故樂則行之坤
死稱憂隱在坤中遁世无悶故憂則違之也
確乎其不可拔潛龍也

虞翻曰確剛貌也乾剛潛初坤亂於上君子弗用隱在下位確乎難拔潛龍之志也

九二曰見龍在田利見大人何謂也子曰龍德而正中者也

虞翻曰中下之中二非陽位故明言能正中也

庸言之信

荀爽曰處和應坤故曰信

庸行之謹

九家易曰以陽居陰位故曰謹也庸常也謂言常以信行常以謹矣

閑邪存其誠

宋衷曰閑防也防其邪而存誠焉二在非其位故以閑邪言之能處中和故以存誠言之善世而不伐

九家易曰陽升居五處中居上始以美德利

天下不言所利即是不伐故老子曰上德不德是以有德此之謂也

德博而化

荀爽曰處五據坤故德博羣陰順從故物化也

易曰見龍在田利見大人君德也

虞翻曰陽始觸陰當升五為君時舍於二宣利天下直方而大德无不利明言君德地數

始二故稱易曰

九三曰君子終日乾乾夕惕若厲无咎何謂也子曰君子進德脩業

虞翻曰乾為德坤為業以乾通坤謂為進德

脩業○宋衷曰業事也三為三公君子處公位所以進德脩業也

忠信所以進德也

翟玄曰忠於五所以脩德也○崔憬曰推忠

於人以信待物故其德日新也

脩辭立其誠所以居業也

荀爽曰脩辭謂終日乾乾立誠謂夕惕若厲居業謂居三也○翟玄曰居三脩其教令立其誠信民敬而從之

知至至之可與言幾也

翟玄曰知五可至而至之故可與行幾微之事也

知終終之可與存義也

姚信曰知終者可以知始終終謂三也義者宜也知存知亡君子之宜矣○崔憬曰君子喻文王也言文王進德脩業所以貽厥武王至於九五至於九五可與進脩意合故言知至至之可與言微也知天下歸周三分有二以服事殷終於臣道終於臣道可與進脩意合故言知終終之可與存義

是故居上位而不驕

虞翻曰天道三才一乾而以至三乾成故為上夕惕若厲故不驕也

在下位而不憂

虞翻曰下位謂初隱於初憂則違之故不憂故乾乾因其時而惕雖危无咎矣

王弼曰惕怵惕也處事之極失時則廢懈怠則曠故乾乾因其時而惕雖危无咎

九四曰或躍在淵无咎何謂也子曰上下无常非為邪也

荀爽曰乾者君卦四者臣位也故欲進躍居五下者當下居坤初德陽正位故曰上下无常非為邪也

進退无恒非離羣也

荀爽曰進謂居五退謂居三故進退无恒非離羣也

進德脩業欲及時也故无咎

崔憬曰至公欲及時濟人故无咎也

九五曰飛龍在天利見大人何謂也子曰同聲相應

虞翻曰謂震巽也庖犧觀變而放八卦雷風相薄故相應也○張璠曰天者陽也君者陽也雷風者天之聲號令者君之聲明君與天地相應合德同化動靜不違也

同氣相求

虞翻曰謂艮兌山澤通氣故相求也○崔憬曰方諸與月同有陰氣相感則水生陽燧與日同有陽氣相感則火出也

水流濕

荀爽曰陽動之坤而為坎坤者純陰故曰濕也

火就燥

荀爽曰陰動之乾而成離乾者純陽故曰燥

也

虞翻曰離上而坎下水火不相射○崔憬曰洩水先就燥

雲從龍

荀爽曰龍喻王者謂乾二之坤五為坎也○虞翻曰乾為龍雲生天故從龍也

風從虎

荀爽曰虎喻國君謂坤之五乾二為巽而從

聖人

入

三

三也三者下體之君故以喻國君○虞翻曰坤為虎風生地故從虎也

聖人作而萬物覩

虞翻曰覩見也聖人則庖犧合德乾五造作八卦以通神明之德以類萬物之情五動成離日出照物皆相見故曰聖人作而萬物覩也○陸績曰陽氣至五萬物茂盛故譬以聖人在天子之位功成制作萬物咸見之矣